

之兵為長治之後援凡兵可五六万即田上月城數重
城守山中鹿助 救于秀吉之使小寺官兵衛等往
陣于高倉山元春隆景以大兵故分其兵為二其一者
攻城其一者欲與秀吉戰秀吉馳入告信長之嫡
子信忠為大將以休久間在衛門尉信盛瀧川左近將
監十益副之率兵士一万五千使往救之信忠督兵攻
神吉城之主神吉民部拒之頃之民部族神吉藤大夫
斬民部首以其城降信忠至是而歸初信忠出京之時
信長亦欲繼發而家臣悉猜秀吉之武名抑遏信長之
發洛亦使秀吉退兵秀吉不得如之何一日毛利兵出
野伏使殺刈馬笏者秀吉兵殺野伏毛利兵大出而戰
秀吉兵尾藤氏戶田氏之登被創中村氏能戰宮田

戰死秀吉軍殆危竹中 兵衛重治見之指揮兵士
退時信長使者又來使秀吉退於是秀吉不得已而歸
書写山故山中鹿助去援力竭降毛利家遂被殺秀吉
往信忠之宅曰以無援故上月城陷鹿助授首是非公
之過謬歎信忠曰然吾慙於吾子乃聚兵謀攻三木城
八月信忠赴三木城邊使秀吉屯于平山而信忠歸上
十月長治等相議曰敵兵其不過於三四千我兵者是
七八千也以大兵受小兵之圍誰不怒之乎出城一戰
欲決勝敗奈何衆皆同之即出兵陣于平畠山城守督
相小八郎治定為之將進攻中村孫平次居城秀吉率
兵援之賀相治 等奔中村而欲破秀吉之陣爭進攻
戰秀吉先陣動擾秀吉弟羽柴義濃守秀長擊賀相治

定大破之秀吉繼進敵兵久米五郎久勝志水弥四郎
直近等皆死敵大亂賀相乘良馬而逸入城治定戰
死樋中太郎取其首長治等築一城於丹生山運入
毛利家之糧秀吉急攻之於是入其糧于三木城其後
毛利輝元小早川隆景為救三木藏數百艘之船到明
石魚住秀吉聞之欲塞三木魚住之路圍君峯等構子
城三十餘櫓壁成矣堀塹成矣至是三木魚住之路絕
矣

同七年春長治出兵攻秀吉之一子城市田吉左衛門
神子由半左衛門中西孫五作所守也三人防長治之
兵市田吉左衛門中箭而殞長治兵亦多死傷而歸城
三月信忠率大兵又到瀨野移秀吉營於三木城下也

邊城中不克拒焉 四月信忠歸洛秀吉之謀臣所守
半左衛門重治嬰病眾醫療之而無效將上京而養病雖
有徵驗難得大効重治謂死干軍者武夫之望也即歸
摘磨羽山六月遂卒年僅三十六秀吉悼惜焉 九月
長治出兵攻大膳衛所守之營急擊之大膳奮戰
而死秀吉聞之進旗別所山城守率三千兵屯于大村
前秀吉僅以三百人直進馳入短兵急接矢鋒相拄中
城守遂敗走死亡者六百餘人自是城中大懼加旃穀
米單竭初食糟糠其後殺牛馬雞犬而食之遂至割死
人之肉餓死者靡可勝量秀吉攻術惟新制法惟嚴因
是秀吉之兵日盛 八月長治之兵日衰月廢
同八年正月秀吉長攻三木城斬獲夥矣逾數日長

治召弟彦進友行曰此城之危如綫非所以久有也今夜吾欲自裁然事於敵欲助殘兵如何友行即遣書於淺野弥兵衛長政曰天運已來矣長治賀相友行等欲自殺殘兵奴婢悉被梟首者不仁也若憐而助之則我儕之喜在此焉耳淺野言焉秀吉諾贈酒肴於城中長治大悅張讎十七日詰朝長治夙起洗身燒香召友行使告死於賀相之令曰我輩死而殘兵不死者無益也不如城兵悉死城兵皆怒曰賀相食言以彼一言故我輩何悉死乎即攻賀相之令欲登稱而燒城從者殺賀相既而長治先刺殺妻子其身亦自刎年二十三友行亦死年二十一王宅肥前治忠入道者長治舊臣也亦自刎焉秀吉取其首首獻信長播州平秀吉移居于

三木城味幾人家數千間斷壁交軒人皆驚之自是而後但馬備前表作皆服從其餘西國四國之人民莫不望秀吉之風

小寺官兵衛白干秀吉曰三木之為地於播磨而偏僻也我所居之姬路者國之中央而有船之便領播磨者尤當居此地者也秀吉從之即移居干姬路頃之秀吉赴御馬以弟秀長為國守

西播磨瀨有宇野氏者新構一城不若干秀吉之攻之甚急宇野出城欲逃於西海荒木平太夫追而斬之同九年春秀吉築姬路城

六月秀吉帥師因幡攻取鳥城山名豐國刺髮号及及吉川式部少輔隆久森下出羽入道與中村對馬守

春次等所守也

吉川森下中村者毛利家臣也

山名豐國通志於秀吉

而出城吉川森下中村猶固守焉秀吉列構諸營日夜攻之毛利輝元欲加援兵而不果城中表困且至糧之匱乏餓莩滿城於是吉川森下中村各議曰今欲免急難而其不可得也決矣輝元屢食言而不救吾輩其死耳使福光小三郎言於淺野孫兵衛長政曰城之危也在且夕守將三人將自尽若助殘兵則是為守將之喜耳秀吉聞而諾之贈酒食于城中吉川森下中村聚城兵而告暇其後告自殺之期于秀吉使堀尾茂助吉晴往檢之吉川森下中村出城到一寺逢堀尾而辭讓皆自殺堀尾函封三人之首而將歸時福光小三郎坂田孫次郎二人進曰吾受吉川之恩深矣久矣無可

以報死而徇耳即交刃而死秀吉見三人之首而流淚

乃出城中之兵煮糜粥以食之多食者則死寡食者則

無恙然後使軍部善祥坊某守城授食祿五万石

伯耆國羽衣石城南条勘兵衛守之岩倉城小鴨左衛

門尉守之十月吉川駿河守元春率兵攻之秀吉謂

軍部善祥坊曰今取鳥城新陷軍士之困勞可想然不

殺羽衣石岩倉而城若拔則敵勢其大矣吾憂心有州

善祥坊曰不如救之於是秀吉使增田仁右衛門行軍

令既而秀吉赴伯耆屯于鎧畠吉川元春退陣于鳥山

秀吉放火村里聚蓄糧米入之于羽衣石岩倉兩城命

曰南条小鴨慎可守焉敵縱雖挑戰而其必勿出戰矣

南条小鴨皆誓自唯諾十一月秀吉歸播州姬路

信長使秀吉及池田勝九郎之助伐淡路秀吉之助即到淡路攻安宅木河内守由良城圍之安宅木亦屈而降之助獲安宅木到江州安土使謁于信長秀吉直歸
姬路

十二月秀吉為告歲暮之賀儀發姬路赴安土以菅屋九右衛門堀久太郎秀政告之信長大悅使菅屋堀高於秀吉曰今年之軍勞多々今余非昔日之藤吉郎即是封國之諸侯也明朝可賜響應秀吉拜謝登安土城信長出見意氣懇々秀吉平伏而退翌朝秀吉謁見獻國久太刀一腰白銀千枚衣服百鞍蓋馬十疋播州枚原三百束華二百枚明石干鯛千箇野里鑄物雜品蜘蛛三千連自山上至山下倚疊委積信長自城樓見之

曰此是大膽龜前守持來之物也使諸人見之皆驚曰勝矣秀吉之沉々也吾未見進獻如此之堆者信長曰余亦然彼者天下無双大膽人也縱雖使伐支那身毒而彼必不辭矣信長陽氣見於大宅待側者皆無不含笑意焉既而信長見于秀吉享之賜茶丹羽五郎左衛門長秀長谷川丹波守醫師道三為之伴其後信長與秀吉雜話且賜歸國之服又賜國次脇指是備後守信秀之遺挂也堀久太郎秀政持之以到秀吉之宅秀吉拜戴之

同十年三月秀吉師到備中攻冠城六陷又攻河屋城下之進攻高槻城之主清水長左衛門尉拒之毛利輝元使難波傳兵衛近松左衛門率兵二千來於秀吉

察城形謂不如永攻即於城邊三里之間築堤之既成矣以河水谷水湛沃之逾日堤水漫々滔々秀吉構數砦于堤邊使兵士守之日夜之警衛不敢怠五月小早河隆景市川元春率五万人陣于釋迦峯不動其後輝元率三方兵與隆景元春同營城中見之而喜然堤水浩汗不得相通秀吉馳諭言于信長曰高松城之亡滅其在近然輝元率數万兵來救若賜援兵則使圓高松秀吉擊破輝元之兵則功在漏刻耳因是信長使惟任日向守光秀簡并順慶長間與一即忠與池田紀伊守信輝父子中川瀨兵衛清秀高山右近等兵士三万五千為秀吉之援助輝元雖欲救高松而依秀吉之謀策故不得既而堤水日滔蛇鼠涌出擺頭掉尾以

為已所水漸及城於是清水長左衛門言于其兄月清入道曰如此則溺死何疑吾輩自裁欲繼城兵之命可乎月清曰愜乎吾所思召難波道松而問之亦然之六月清水裁書告自殺之事於秀吉々々諾之餽飲食且約以舟迎之於堤上清水兄弟難波道松薄城中之諸器謂城兵曰吾既死之後必投于秀吉焉言已然後出城門乘秀吉之舟於水上皆死秀吉取其城使牧原七郎左衛門尉家次守之

同月三日長谷川宗仕馳使於秀吉曰昨二白之朝信長信忠為惟任日向守光秀遭弑秀吉聞而大驚然不敢動情翌日率數騎巡檢諸營先是輝元乞和曰可獻備中備後伯耆三國且載盟辭至是又頗乞和秀吉聞

信長之變而欲結和議既而元春隆景使者復來秀吉謂信長之事其遂得秘乎即謂其使曰信長為光秀被殺而毛利和議之約可不變乎汝等先歸可問輝元使者歸輝元屬吉川元春小早河隆景等而評議或有不察是非而無言者或有還軍於安藝察時勢姓者時隆景進曰信長之遇弒者秀吉之不幸也然彼上京討乎光秀則其勢沛然誰能禦之而今變約則秀吉之恨徹骨徹髓若然則毛利家之亡滅決而不可疑矣且秀吉有智有勇有武術有大志若人不得取大物則孰取之為今除構和親弔信長之死則秀吉之喜不可測焉若如此則毛利家之與盛決而不可疑矣輝元然之使肉騰越前守廣俊來干秀吉之堂而弔信長且以蜂須賀

彦右衛門正勝言於秀吉曰信長縱雖被弒而和親其不可變輝元及元春隆景於秀吉不可有踈濶之情而已秀吉大歡曰吾謂輝元若變約則使淨田秀家誓留干此吾上京以討光秀而今毛利不變其約是藻不可言即互通盟誓乞鉄炮五百挺弓百張旗三十本於輝元六日秀吉發高松八日到姬路或曰此時毛利家未知信長遭弒之事織田七兵衛信澄者武藏守信術之男也信術為兄信長被殺故信澄銜之且光秀之塔也時在大坂將上京與光秀并力信長三男三十七信孝丹羽五郎左衛門長秀相議攻大坂信澄敗死

秀吉發姬路到尼崎而斷髮遣使於三十七信孝丹羽長秀池田信輝及子之助等曰吾為討光秀既到於此使

至於是皆會于尼崎信輝落髮号勝入而談軍事勝入
 高言曰先陣者在奈耳高山右近進曰山崎之戰逐次
 而言之則先陣者余二陣者中川瀨兵衛三陣者池田
 也秀吉可之因之軍列方定相共進到山崎高山守高
守茨木城池田守有阿尾
崎花熊三城故高山云然
 光秀自安土到洞崎待筒井順慶之來不至光秀使其
 二男古阿古往為質而不果順慶遂不至時聞秀吉既
 發如路即定軍列山崎之先陣者齋藤内藏助利三柴
 田源左衛門其兵二千近江兵三千副之山傍之先陣
 者松田太郎左衛門並河掃部其兵二千右則伊勢與
 三郎諏訪飛驒守御牧三左衛門其兵二千左則津田
 與三郎其兵二千光秀從兵五千也秀吉義兵進自南

方先陣者高山右近其兵二千二陣者中川瀨兵衛尉
 清秀其兵二千五百三陣者池田勝又父子其兵五千
 四陣者丹羽五郎左衛門長秀其勢二千五陣者三七
 信孝其兵四千六陣者秀吉其兵二万也 齋藤内藏
 助在洞崎馳使于光秀曰秀吉太兵既來唯請止今日
 之戰入坂本城則可也光秀怒罵曰弑君者大事也吾
 既能成矣何人得對我乎汝其勿憂速來乎此 十三
 日光秀整旅于山崎召松田太郎左衛門曰汝登天王
 山直下山崎而可放弓鳥銃松田率七百人而登秀吉
 使堀久太郎秀政及堀尾吉晴攻之秀政能戰松田敗
 走既而高山右近閉山崎南門不通他兵即開而先登
 與光秀先陣伊勢與三郎諏訪飛驒守御牧三左衛門

弟勦其衝大戰時中川清秀登坂遮其左池由父子濟
川衝其右合擊大破之近江之兵早亂走伊勢諫訪御
救皆死光秀欲往救之比田帶刀止之諫曰入勝龍寺
耶今夜潛赴坂本耶光秀問勝龍寺何處比田牽馬而
進敵塞其路處々光秀僅免跳入勝龍寺 今日之戰
中川清秀尤有功王七信孝執其手謝曰今日吾子之
苦戰吾何忘焉秀吉猶在後輿中呼曰瀨兵衛々々々
骨折々々清秀聞而大言曰筑前守面貌既有并吞天
下之氣本朝俗語謂

光秀既入勝龍寺檢見其兵則才千人及至日薄原淵
而見之則百人之不足夜參半光秀潛出勝龍寺逃于
伏見赴小栗栖時踣伏蜂聚蟻同自數中以鎗突之傷

光秀右脇光秀急馳而逃行二三町許落馬從僕驚騷光
秀曰嚮吾為勤快所傷故今如此早斬我首可深藏之
即死從僕取其首以馬籠裹之藏之於溝中埋屍於道
傍而離散明智左馬助在安土城聞秀吉來自西海曰
吾守此城何益矣不如與光秀同死乃赴山崎堀木太
郎秀政與之遇乃戰于大津打出濱左馬助破走入坂
本城然兵士悉散不得以守焉於是殺光秀子自然燒
斃其身亦死

十四日秀吉到三井寺小栗栖里人持光秀首來秀吉
悅以杖打其首曰蠢君之天壽早來

齋藤內藏助逃到江州堅田里人捕來獻秀吉々々求
光秀屍而續之磔于栗田口內藏助亦然 秀吉無飛

赴長瀨秀吉之舊領也。江州淺井郡山本有安土。乃五郎者通志于光秀當光秀執信長也。乃率其兵攻取瀨城而擄之光秀已死。乃五郎懸舟於塩津海津而欲逃于敦賀里人追而斬之。獻秀吉。今在長瀨二百。又赴尾張清洲。舟羽長秀池田勝入亦來。瀧河十益進自關東亦來。於此柴田修理亮勝家聞信長之弒而欲赴京。稍緩矣。及秀吉成其事也。勝家亦到清洲。與秀吉長秀勝入等評議以信忠息王法師為信長之嗣。且分關國而領之。信雄則尾張信孝則敦濃秀吉則丹波勝家則近江長瀨池田父子則大坂尾崎兵庫長秀則若狹及近江高嶋志賀二郡瀧河十益則食五万石。峰屋出羽等則三万石。是皆所加領也。後王法師於安土山使長谷川丹波守前申本以調護之。以近江三十万石為尉料。王法師幼稚之間使信雄攝事。此時柴田勝家寒衣露臂其言太驕。舟羽長秀耳語秀吉曰。吾子欲服天下。則今席上可斬勝家。秀吉笑曰。吾豈敵勝家哉。其夜秀吉屢起小遺。長秀怪問之。秀吉曰。吾食長瀨尚矣。而今為勝家被奪。故吾有不平之心耳。既而各欲歸國。時勝家藏兵於路。欲殺秀吉。今自殊路經美濃。長松到長瀨。勝家將歸。越前恐過長瀨。到美濃。垂井踟躕而不進。秀吉聞而曰。吾何為妄殺勝家乎。其勿恐焉。乃使冰丸秀勝冰丸者信長之子。秀吉養之。為質於長瀨。勝家携秀勝到水本邊而歸。越前於是秀勝歸。刺秀吉亦上京。

十月三日秀吉叙從五位上為右少將。秀吉於大德寺